

Headline	Detik perhitungan hebat THT, KLHC		
MediaTitle	Sinar Harian		
Date	19 Feb 2017	Language	Malay
Circulation	160,000	Readership	509,000
Section	Sukan	Page No	54
ArticleSize	228 cm ²	Journalist	MUHAMMAD ZAKWAN
PR Value	PHP 23,732		



Detik perhitungan hebat THT, KLHC

MUHAMMAD ZAKWAN NAZARALY

KELAB Hoki Kuala Lumpur (KLHC) dan Pasukan Hoki Terengganu (THT) akan membuat perhitungan siapa lebih layak menjuarai Liga Premier TNB musim ini apabila mereka dijadualkan bertemu dalam perlawanan terakhir liga, hari ini.

KLHC yang turun menentang UniKL kelmarin mudah menundukkan pasukan itu 3-1 dan THT membenam Maybank 5-2.

Ia sekaligus menyaksikan KLHC menduduki tangga kedua dengan mengumpul 33 mata, berkongsi mata dengan THT, tetapi dipisahkan jaringan gol.

Ketua Jurulatih KLHC,

Muhammad Harun Al Rashid Samri jelas sedar pentingnya perlawanan terakhir ini dan jika berjaya menang, ia bakal menoktahkan kehebatan THT yang telah muncul juara tiga musim berturut-turut.

"Ini peluang terbaik kami muncul juara. Tetapi kami sedar keupayaan THT yang memiliki pemain hebat.

"Jadi, apa yang penting ialah pemain memberikan yang terbaik dan hanya kemenangan yang menjadi tumpuan saya," katanya.

Sementara itu, Ketua Jurulatih THT, Sarjit Singh sudah menyangka kejuaraan liga kali ini ditentukan pada perlawanan terakhir liga.

Malah, Sarjit melihat KLHC cukup bersedia dan



Foto : FACEBOOK THT

Pemain THT akan berhadapan KLHC bagi menentukan kejuaraan liga hari ini.

menjadi antara pencabar terkuat mereka musim ini.

"Walaupun kami menyasarkan untuk sah kejuaraan lebih awal, malangnya kami kehilangan empat mata selepas seri bertemu Tenaga

Nasional Berhad (TNB) dan UniKL di tempat mereka.

"Kejuaraan pertama musim ini sudah berada di depan mata, kami harus ambil kesempatan ini untuk cari kemenangan," katanya.